




6020



DE APPARATV

NVPTIARVM OPTIMORVM MA
XIMORVM SIGISMVNDI SECVNDIAV

gusti, Polonię Regis &c. atq; Regine Elisabes, Fer-
dinandi Romanorum Regis &c. filię. de aduentuq;
ipsius Regine ad nuptias, splendidissimoq; Regis
occurfu, carmen properatum auctore,

Petro Royzio Maureo, Iurisconsulto, Hispano, in
Regia Polonię vrbe Craeouia publico Iuris
Ciuilis interprete,

Optime maxime ELISABE Polonię
Regine &c. librum dicat author,



DE ALP A TV
IN P L A R V M O P T I M O R V M M A
V I N O R V M V I T I V I N D I S C V N D I A V
P e r s o n a m q u a m d i c t a P e r
s o n a m q u a m d i c t a P e r
s o n a m q u a m d i c t a P e r
s o n a m q u a m d i c t a P e r

IN P L A R V M O P T I M O R V M M A
V I N O R V M V I T I V I N D I S C V N D I A V
P e r s o n a m q u a m d i c t a P e r
s o n a m q u a m d i c t a P e r
s o n a m q u a m d i c t a P e r
s o n a m q u a m d i c t a P e r

Am. 6020

1961 K 394

AVTOR AD LIBRVM.

I Liber, excelsa ELISABES pete limina felix,
 ELISABES, nunc Augusta quæ cincta corona,
 Regaleis adiit thalamos, sociumq; cubile
 Sauromatum Regis, Regniq; in parte locata est.
 Seu pulchro inuenias neſcentem ferta marito,
 Sardonychem addentē circū Smaragdosoq; virēteis
 Longæui aut regis solantem forte ſenectam,
 Munera ſiue inter, magni quę plurima Reges,
 Sarmatici proceres, equites. rectuſq; Senatus,
 Miſeruut verſantem aurum, gemmaſq; micanteis,
 Siue reuoluentem veterum monumenta viſorum,
 Vnde illi prima prudentia tanta iuuenta,
 Difficileis ne crede aditus, intra, oſcula dextræ
 Auguſtæ ſigas, vultu excipiere ſereno
 Auguſtos decet hoc mores, ſacramq; coronam,
 Ne dubita, i, fuerit de hinc cum data copia ſandi,
 Compoſito affare, & taleis redde ore loquelas.

Regina, Auſtriacum genus, alto a ſanguine Regū,
 Iuppiter ætherea quam longum veſcier aura,
 Annuat, & thalamo multos gaudere per annos,
 Regali thalamo, SISMVNDŌ Rege marito,
 Ad te nos vates Hiſpanis natus in oris,
 Accepere ſuo quę a flumine nomen Ibero,
 Gente Royzæa, Maurea & gente proſectum
 Haud genus obſcurum, legum hæud ignotus in urb
 Cracouia interpres, iuſtiq; æquiq; magiſter,
 Ad te nos miſit, iuſſitq; hæc pauca reſſere,

Cracouiam nuper uenienti occurrere in urbem,
In magno medium comitatu, præstitit omnis
Quod tibi Sarmatia, in longis spectata cateruis,
Argento, gemma, & multo splendentibus auro,
Non opis illius, non illius ista facultas.
Quod Phoebus, Musæ, exactiq; dedere labores,
Hoc præstat Regina tibi, quorum una potestas.
Ergo repentino quæ fudit pauca calore,
Accipias Patris hæc curas, soceriq; renarrant,
Magnorum Regum, dum extreme: federa tede
Thesauris cupidi nuper meditantur apertis.
Que Austriaci proceres, pceres que deinde Poloni
Præstiterint, lecti quæ præstitit ordo Senatus,
Sauromatum quæ ipsi Reges, quæ Regia coniunx,
Gaudia quæ populi, sparset & solatia plebis
Hæc tibi pro turmis, pro longis ille cateruis
Hæc tibi pro argento, pro gemmis mittit & auro
Illius hæc gemmæ, argentum hoc, hoc illius aurum
Hæc turmæ, hæc nitido florentes gre caterue.
Suscipias, orat, vultu Regina benigno,
Quæ fortasse olim, si quicquam carmina possunt,
Posteritas leget, atq; sequens mirabitur ætas,
Huius opes sæcli, gentem, pompasq; superbas.
Si labor hic primus, subitæ hæc si exorsa camæne;
Haud fuerint ingrata, leges, quæ cetera restant.
Impositam capiti, Regni altum insigne, coronam.
Tedamq; extremæ & solennia gaudia tedæ,
Et quæ miserunt ingentia munera Reges,
Longe exultantes, & toto pectore læti,
Talia coniugia, & taleis celebrari hymeneos,



Agelloneum genus Astriacumq; superbo
Coniugio iunctura dies, & perpete uinco
Aduentat, gēti tantum exoptata Polone
Romane Ferdinandus Rex inclytus

Plurima preterea cui regna ingentia parent, (urbis,
Austriacumq; solum, viciniq; ora Bohemi
SISMVND AVgusto, proles quæ sola uirilis
Sauromatum Regi est, primis qui electus ab annis
Rex est Sauromatum, quēq; unū Regia sceptrā,
Post suprema manent longæui fata parentis,
Iungere cōnubio, uinco & sociare iugali
Pactam olim egregiā natam, extremūq; hymenæū,
Exercere parat, rebusq; imponere finem.

Rex quoq; Sauromatum senior cura ardet eadē,
Optatamq; nurum regno succedere & aulæ,
Iam dudum cupit, & coram uera ora tueri.
Si possit summum ante diem, longo oblitus æuo
Susceptam sobolem, paruoscq; uidere nepotes
Subsidium generis, spaciōsa ludere in aula,
Festo ergo Reges se accingunt ambo iugali,
Ingenteis & opes reſeratis pandit uterq;
Thesauris, gazamq; omnem, pallētiāq; gra,
Ingens argentum, aurum ingens, ingentia longo
Asseruata quo gemmarum pondere cernas,
Intextasq; auro telas, gemmisq; micanteis
Immixtis, stringit spectantum lumina fulgor.

Nec minus Austriaci proceres, pceresq; Poloni
Interea, gaza exornant se diuite, leto
Murice, candenti argento, fuluoq; metallo,

A iij Esse

Esse rati dignum, totas effundere uireis,
Quantas quisque potest, unaque absumere luce,
Ad Regis decus, & tede regalis honorem,
Diuitias, gazamque omnem, atque profundere uitam
Iam natam Austriacis Rex Ferdinandus ab oris
Sarmatiam ad magnam pacta ad connubia mittit,
Quam multus comitatur honos, quam plurimus heros
Et nitido longe fulgentes ære cateruæ.

Illam chara parens a se discedere moeret,
Et longum, mea nata, vale, vale, inquit, euntem
Amplexa, i, lachrimisque genæ maduere subortis
In verbo, tenerum matris testata dolorem
Inquit, digno Regi socianda Polono.
Hoc & idem faciunt socie, pulchreque sorores.

It portis, aurora altos cum lumine monteis
Resperlit, late & celo nitet aurea, matres
Flent discedentem Austriacæ, innuptæque puellæ.
Coniugio & tali partiter letantur eodem,
Letitia & meror rebus miscentur in iisdem.

Illi Cracouia missus Macioschius heros
Quem bifida in mitra veneratur Plozca, colitque
Obuius it, specie ante alios pulcherrimus omnis
Saurômatas, longo quos circuit Istula flexu.
Cracouia, magna late comitante caterua,
Exit, quem phaleris, maculisque insignis, & albo,
Portat equus, nitet ipse auro, gemmaque micanti
Perstringit fulgore oculos, turbatque nitore,
Regali sequitur pubes quem splendida luxu.

Hoc quoque munus obit, fortis Latalitius heros,
Quo ductore omnis sese Posnania latet

Effundit campis, atq; hosteis arcet ab agro
Sarmatico, completq; inimico sanguine campos:
Obuius it quoq; Reginae Srzenoschius heros,
Ducere Plozceas acies, cui summa potestas,
Cuius ductu hostem inuadunt, Martemq; fatigant:
Finitimos vt venit agros, vrbicq; propinquat
Cracouiae Regina, sua vt det membra quieti,
Longa fessa via, Balice successit amænæ,
Interea verso nox incubat humida coelo,
Sydereocq; humileis solatur lumine terras.

Postera cum lucem terris aurora reduxit,
Sustulit & rutilus se gurgite Phebus ab alto,
Corripit e thalamis sese Regina. petitq;
Sancta aras, verbis vbi liba potentibus ingens
Concipiunt numen, spiransq; & bachicus humor
Sanguinis induitur speciem, & se soluit iu vndam,
Audiť ut sacrum, diuosq; in uota uocauit.
Supplicibusq; oculis hausit spirabile numen.
Ante viae quam se credat, nam iam aureus orbem
Sol mensus medium, tenuis contraxerat umbras,
Discubuit mensæ, & socios discumbere iussit,
Vna ut deinde viae se se committere possint,

SISMVN dus tunc Augustus Rex, altera gentis
Sarmaticę spes, Sarmaticę & noua gloria gentis,
Priscum maiorum morem, ritumq; sequutus,
Sponsam excepturus, multis cum millibus exit
Cracouia, sublimis equo, multo grauis auro
Gemmisq; æthereos longe sperantibus igneis,
Illum Sarmatici procures, equitesq; sequuntur,

Millia

Millia quot nunquam sunt istis uisa sub oris.

Illum Pruteni Dux optimus orbis, Achillem
Qui præstet, Martemq; ipsum debellet in armis,
Armato sequitur comitatus milite, criste
Queis capite effulgent longe, coniq; comantes,
Nec bellator equus sessorem portat inermis.
Ibat & huic comes illustris Gamrateus heros
Cui vrbs hæc mitram dat, Gneznaq; pallion addit,
Rarus honos, & qui uix uni cotingit olim,
Ibat fulgenti late comitante caterua,
Quam multo splendentem auro, argentoq; nitentem
Ferre oculi nequeunt spectantum, atq; ora tueri.

Non hic fama ingens, rebusq; ingentior ipsis,
Belli horor, seu isq; idem Mars alter in armis
Tarnoschus deerat, non hic Tarnoschia pubes,
Que semper fremit arma, & toto pectore querit,
Lunam etenim, & supra radiantem crinibus aureis;
In longa turma, comitatuq; ære corusco,
Prospecto stellam, longe & splendescere cerno.

Hic genus egregium Gorche non defuit, heros
Andreas, ditione potens, & fortibus armis.
Vestibus hunc atris, tenui quas neuerat ore
Pendulus arbuteo in ramo denso agmine bombix.
Sponte sua includens tenebris se & carcere cæco
Ingenti in turma comitatur plurima pubes,
Patris enim memor æthereas, qui nuper, ad oras,
Ultima passus, hinc, coeloq; inuectus aperto est,
Et multa cum laude suos, vitamq; reliquit,
Mœrentem testari animum, tristemq; dolorem,

Hac uo

Hac uoluit specie, qui ne letis hymeneis
Triste omen ferret, multum dehinc addidit aurum,
Torquibus & geminis onerauit colla sequentum

Hic quoq; consilijs Volschus pulcherrimus autor
Ingenti splendet turma, & fulgentibus armis,
Atq; suum regem multo comitatur honore:

Hic radiuisiones, duri tria fulmina Martis,
Barbaricis splendent in equis, septiq; caterua
Ingenti, multo insignes spectantur in auro.

Inclitus, hic bello tuus est Lancicia ductor
Maximus hic armis Inouodislauia ductor
Est tuus, ornatu resplendent ambo decoro,
Cincti ambo nitido comitatu, armisq; corusco;

Hic Ialinschei, patrem tardante senecta,
Missi ibant iuuenes charo pro patre, gradiui,
Gloria quem Martis multos exercuit annos,
Dum uires, solidosq; uigebat corpore sanguis,
Dextra hic regno olim dictis nunc utilis autor.

Ibat & hic Boner, argento spectandus & auro,
Filius hunc iuxta, insignis florensque iuuenta,
Argento multo, multo circumdatus auro,
Plurima quos sequitur, clipeis armata iuuentus,
Argento clipeis solido, quorum ethera candor
Verberat, exuperatq; micantis lumina solis.
Hunc stupet vrbs omnis, gaza & miratur in ipsa.

Multi alij, quos est longum numerare, sequuti,
Sublimes in equis, ostroq; auroq; decori,
Et longo septi comitatu, & fortibus armis,

His equitum turmis Rex castra uenit ad ipsa;

B Quæ

Quæ campo in medio stabant tria, more uetusto,
Non procul a muris urbis, cello edita cœlo.
Indeq; Reginam misso oratore salutat.

Nec minus hic, medijs dum Rex expectat in agris
Officiosus eques Balicem petit, arduus acri
Vectus equo celeres præuertit cursibus auras,
Ut Regi referat, quantus decor oris, honosq;
Reginæ sedeat, quæ augustæ gratia frontis.
Accendunt Regem, cura qui sautius acri
Iam dudum est, magis atq; magis, quæ quisq; repor-
Vritur, ingenteisq; auditis concipit igneis, (tat.
Nec sufferre moras Rex iam ualet amplius ullas.
Incusat cœlum, pigro quod uoluitur axe,
Incusatq; uiam, spaciosq; æquora campi,
Quæ pulchra a Balice tam longe ad castra supersunt
Ter uoluit morem, & notum rescindere ritum
Immissis & equo Balicem ruere actus habenis
Consilio ter se, ter se ratione repressit.
Antiqui ne quid moris, ritusue refellat.

Confessu interea, iam longum uisa morari,
Postquam epulis depulsa fames, mensisq; remotas
Albenteis mappas, celeres plicuere ministri
Surgit Regina, & comites iubet ocyos omneis
Scandere equos, dicto festinant ocyus omnes,
Subijciuntq; in equos properato corpora saltu.
Illa puellarumq; & matrum septa corona,
Ascensu superat currum, Balicemq; relinquit.
Et ne Rex campo in medio, gelidicq; sub axe
Aetheris, expectet uenientem, immittere habenas
Aurigas iubet, & currus agitare citatos.

Atq; ubi iā ad cāpos, ubi stant castra ardua, uētū est,
Vicino Regina loco consistit, amicos
Vnde potest regis uultus spectare, decoram
Et speciem, qua Sauromatas supereminet omneis.

Tunc equitum turmas, quæ se sectantur ab urbe,
Ingenteis, circum currus Rex imperat ire,
Reginæ ante oculos, urbemq; redire priores,
Imperio leti parent & iussa facessunt.
Procedunt, agitant & equos, & calce fatigant
Ferrato, toto late sonat ungula campo.
Miratur Regina uiros, miratur & auri
Vim magnam, & nitidas stringenteis lumina uesteis
Ingentem & comitatum, onerata & colla catenis,
Insigneis miratur equos, phalerasq; superbas,
Quæq; leui pendent operosa monilia collo.
Nec minus in turmis uarios miratur amictus,
Et nisi Sauromatas sciat esse, putauerit, illic
Esse hominū genus omne, hic uestem indutus Iberā,
Ille Italiam, est auras qui uertice pulset acuto,
Implicitis capiti longis mantilibus alto.
Ingentem fert ille rotam, qua cingula nectit,
Pectore sub patulo, quæ pondere uergit iniquo.
Hunc sinuosa tegit talos demissa sub ipsos
Vestis, & angusto constringit brachia panno.
Prolixæ ille togæ, talos quæ pendet ad imos,
Angustamq; breuemq; addit, quæ cingula uix dum
Attingit, nudosq; relinquit auara lacertos.
Tot rerum facies iam lumina fessa uidendo,
Obtutu steterant ægro, fractoq; rigore
Deiecere aciem, uisq; omnis lapsa tuendo est. B ij

Regina ergo oculos, iam dudum cernere fessa,
Auertit, nec iam argentoq; auroq; cateruas
Squallenteis, spectare oculis ualet amplius agris.
Interea occiduas Phebus properabat ad oras,
Et celeres urgebat equos, quare humida ne se
Inferat, inq; ipsis medios nox occulat agris,
Iam dudum dextram dextræ coniungere visum.

Procedunt ergo Rex & Regina sub ipsis
Castrorum spatijs, æquatis passibus ibant
Castrorum ad medium, qua murice tecta rubenti,
Scindit ab extremis campum breuis orbita castris,
Castrorum in medio, pariter quo uenit vterq;
Coniungunt dexteræ, tedeq; iugalis amorem,

Hic, quanquam toto turbatus pectore Rex est,
Regine ut uidit vultus, flagrantiaq; ora,
Luminaq; ætherei radios æquantia solis,
Pauca refert. o clara oculis lux reddita nostris,
Vt tandem accipio te, ut tandem cernere coram
Te, dulcis mea sponsa, datum, mea sola uoluptas,
Nostri o spes Regni, nostræ o spes vna salutis,
Succedas regnis, disce hæc tua regna uocare,
Sauromatasq; tuos, his est & quicquid in oris,
Dixerat, & dicta egregio sic ore sequuta est,
Virgineo suffusa oculos Regina rubore.

Rex lagellonis genus, & uerissima imago,
Ad tua me pater, ad tua me, Rex optime, mittit
Limina, connubia ut pacta, inceptosq; hymeneos
Expleam, & extremæ coniungar foedere tedæ,
Ecce adsum tua sponsa, tuis successimus agris,

Nulla

Nulla vnquam indecores, faciam, nos arguet ætas
Austriacumq; genus nunq; sociasse pigebit
Iagellongo, regniq; in parte locasse.
Hic finem fandi Elisabe pulcherrima fecit.

Talibus Elisabes dictis defixa tenebat
Obtutu Rex ora, stupensq; hærebat, amore
Accensus miro, totam dum lustrat & haurit,
Expleriq; nequit uultus atq; ora tuendo,
Sydereos uultus, diuinaq; uirginis ora.
Et nisi iam piceis nox aduolet humida pennis,
Immineatq; actis iamiam ruitura tenebris,
Rex nunquã, o nunquã, se rex nūquam inde tulisset,
Defixos oculos uix tandem flexit ab illa,
Iam scanfurus equum, coelum, quod dixerat ante
Axe pigro uerti, nunc præceps dicit, & alis
Ferri ait, atq; leueis præuerrere cursibus Euros.
Ergo Cracouiam pergunt, prius humida quam nox
Oceano ruat, & nigris res occulat umbris.

Cum iam Cracouia muris Regina propinquat
Defixum terræ festinus linquit aratrum
Rusticus, aëriaq; stupens prospectat ab ulmo.
Lætãq; uisendi studio Cracouia circum
Fusa ruit, miroq; uolans festinat amore,
Non uia, non campi populum capit æquor aperti,
Omnia complentur, tectis nec parcitur ipsis,
Hærent parietibus iuuenes, trabibusq; domorum
Prensantes manibus, trabium capita aspera aduncis
Spectat ab excelsa uirgo speciosa fenestra.
Infantem & mater nexis tenet ægra lacertis.

B in Facundusq;

Facundusq; senex foribus bipatentibus astat,
Plurima commemorans ueterum solennia Regum,
Pompasq; occursumq; exactaq; gaudia regni.

Ecce urbem ingreditur multo spectabilis auro,
Teutonicam morem ad patrium circumdata pallam,
Horrentem gemmis, nodisq; auroq; rigentem.
Miratur, tacitosq; oculos circumq; supraq;
Aspectu uoluit placido, perq; omnia uersat,
Quantum acies intenta ualet, capiturq; locorum,
Atq; urbis specie, & uariati gentis amictus.

Contra autem populus defigit lumina in illam,
Miraturq; graueis uultus, & frontis honorem,
Egregiq; oris decus, aspectusq; benignos,
Augustam & speciem, qua longe cætera uincit.
Ducitur excelsam longeuæ Regis ad aulam,

Rex autem sacra uenientem expectat in æde
Proxima quæ est aulæ, merito occursum honore
Et iuxta Bona, Sforciacum genus, optima coniunx
Regina, illustriq; eadem de sanguine Regum.
Rex prior occurrit, iuncta atq; ubi dextera dextre est
Reginamq; oculis paulum lustrauit, amicos
Compositus uultus, sic uoce silentia rupit.
Elisabe, genus Austriaticum, Regisq; propago
Ferdinandi, ut tandem accipio te, Regia uirgo,
Dulce senectutis nostræ solamen, amorq;
Quam dudum optauî nostris succedere Regnis,
Ad natiq; thorum, sociumq; uenire cubile,
Subsidium hinc generis, nostri hinc & gloria regni,
Aduentus lux ista tui, celeberrima nostris

Semper

Semper erit Regnis, & erit letissima semper
Hec ubi Rex fatus, sequitur pulcherrima coniunx,
Coniuncta & dextræ dextra, sic farier orsa.
Salve Fernandi proles decus addita nobis,
Fernandi, quem summa manent fastigia rerum,
Egregium genus, & nostræ spes una senectæ,
Haud ingrata isti Regno succedis, & aulæ,
Sic paucis finem presso dedit ore loquendi,
Interea terras nigra nox occulit umbra,
Discedunt, tectis & se Regalibus addunt,

AD SAVROMATAS.

Parcite Sauromatæ, si uestras scribere pompas
Dum uolo, præterij carmine multa meo.
Consilio feci, ne lector somnia credat
Forſan, & ulla putet carmine ficta meo.
Nam maiora fide pompa fecistis in ista,
Et quæ, qui credat, Sarmata solus erit.
Hæc omnis credet, quamq̃ admirabitur, orbis
Quæ, sint magna licet, uera putare potest.

Cracouię in Officina Vngleriana.

Anno Domini. 1543.

Mense Maio,

